

1104 Празднование Пресвятей Богородице ради Казанския иконы Ея



НА МАЛОЙ ВЕЧЕРНИ

НА ГОСПОДИ, ВОЗЗВАХ: СТИХИРЫ НА 4, ГЛАС 1.

Подобен: Небесных чинов:

Небѣсныя Силы радуются, / преславно служаще чуд-
ныя иконы Богомáтере, / и к весѣлию земныя духом
призывáют, / спасение миру сию показúют // и всей
стране Россійстей твердое ограждение и заступлѣние.
Твоегó, Владычице, явления непостижимаго, / трепет-
ни бывше лю́дие, / вку́пе же и радостни, / яко чудесем
сокровище, пречистый Твой óбраз яв́ися, / благода́тию
просвещающ всяческая // и от бед избавляющ пр́исно.

С преслáвными чинми Ангельскими днѣсь, / вернии,
духовне весели́мся, / свѣтло празднующе пресветлое
торжество Богомáтере, / Юже пречистый Ея́ óбраз, /
я́ко источник приснотекущий, яв́ися, // исцелений не-
завистныя дары присно источáющ.

«Слава, и ныне» – глас 3:

Стра́шно чудо явления Твоего, Влады́чице,/ и нескáзáнно удивляет Премирная и ужасает земна́я,/ вкúпе же и просвещáет/ светоносно́ю благодатию пречистаго Твоего о́браза/ и ро́ждшагося от Тебе Христа Бога на́шего./ Того́ моли, Чистая, в Божественном торже́ствé Твоём// подати нам просвещение и ве́лию мило́сть.

НА СТИХОВНЕ СТИХИРЫ, ГЛАС 2.

Подобен: ДOME Евфрафов:

О Всенепорочная Дéво,/ что Ти благодарéние прине́сём,/ я́ко светозарным явлением пречистыя Твоя ико́ны/ и Превечнаго Младéнца/ всéх от неведения к свéту// Богоразумия возвелá еси́.

Стих: Помяну имя Твое/ во всяком роде и роде.

О Пресвятая Госпоже Влады́чице,/ не забуди нас, Твои́х ра́б,/ ве́рно поклоняющихся чудотворной Твоей ико́не/ и благочестно воспева́ющих Тя,// избави, Госпоже, от всяких бед и напáстей.

Стих: Лицу Твоему помолятся/ богатии лю́дстии.

О Всепетая Ма́ти,/ умилосердися на моление на́ше,/ Твоё бо есмы досто́яние,/ всех спаси и помíлуй,// да Тя вси роди непрестанно велича́ем.

«Слава, и ныне» – глас и подобен тойже:

Тíхое пристáнище/ обитель Твоя, Богоневéсто,/ яв́ися всем притека́ющим,/ имуще в себе пречестную Твою ико́ну,// всем неоскудно благодать подаю́щи.

Тропарь, глас 4: Заступнице усердная: (зри на велицей вечерни).

НА ВЕЛИЦЕЙ ВЕЧЕРНИ

Блажен муж:

НА ГОСПОДИ, ВОЗЗВАХ: СТИХИРЫ НА 8, ГЛАС 4.

Подобен: Яко добля:

1. Стих: Из глубины воззвах к Тебе, Господи,/ Господи,
услыши глас мой.

Яко прекрасная Слова палáта/ и Престол Светоносивый, Богородице Владычице,/ Сопрестольное Слово Отчее/ во Твоих ложеснах вместила еси/ и, рождши Свет незаходимый,/ наше омрачение просветила еси,/ леть змиину отгнала еси и тление потребила еси,/ жизнь вечную миру даровала еси Твоим Рождеством,/ врата рая отверзла еси/ и вся благая человеческому естеству даровала еси./ Но и ныне, Госпоже, Твоими молитвами// избавляй рабы Твоя от всех бед.

2. Стих: Да будут уши Твои/ внимлюще гласу моления моего.

Яко велика сущи Царица и Мати/ на Небеси Превысоких Сил Царя,/ пречистыя Твоя руки простерши,/ молебно за ны предстоиши/ и на земли яко державная Помощница/ Божественною Твоею иконою/ и духом с Твоими рабы пребываеши,/ и весело спасаеши,/ и избавляеши от всякия напасти// благочестно Богородицу Тя исповедающия.

3. Стих: Аще беззакония назириши, Господи, Господи, кто постоит;/ яко у Тебе очищение есть.

Яко златозарный рай/ и место прекрасное и Богопросвещенное,/ и древо святое, Духом Святым осененное,/ вместилище Света невечерняго,/ Тебе ведущим, ясно немерцающим Божественною лучею,/ Младенцем Твоим, светиши всей твари,/ Егоже молящи, Царице Богородице,/ спаси град Твой и люди,// к Тебе прибегающия, от всех бед.

4. Стих: Имене ради Твоего потерпех Тя, Господи, потерпе душа моя в слово Твое,/ упова душа моя на Господа.

Яко порфирию царскою и вѣссом,/ иконою Твоею и Твоего Сына, Богородице,/ Церковь Божия просветившись, красуется чудесы./ Днесь явлением вся созывает праздновати,/ паче сияния солнечнаго/ благодатию Святаго Духа блистающися,/ на болящих и недужных исцеления источники источающи// и всем дарующи богатую милость.

Ины стихиры, глас 8:

5. Стих: От стражи утренния до ночи, от стражи утренния,/ да уповает Израиль на Господа.

6. Стих: Яко у Господа милость и многое у Него избавление:/ и Той избавит Израиля от всех беззаконий его.

Высокий Царю Непостижимый,/ со Отцем седяи на Престоле и Божественным Духом,/ благоволивый родитися на земли/ от Девы Неискусобрачная, Иисусе,/ ущедряя Твое создание,/ человеческое естество, неизреченными добротами,/ прими Твоея Матере приносимыя Тебе за ны молитвы/ и не помяни беззаконий наших,// но помилуй и спаси души наша, яко Милосерд. **Дважды.**

7. Стих: Хвалите Господа вси языцы,/ похвалите Его вси людие.

Преклонив Небеса, Царь Славы сниде/ обновити Адама, преступлением всего истлевшаго,/ вселися в Тя, Чистая Деве,/ и родися, ключей девства не рушив,/ и на руках Твоих смирен Младенец,/ Иже Архангелов Царь ношашеся;/ и ныне Твою молитву приемлет/ и прошение Твое во всем исполняет, Богородице,/ яко Твой Сын и Бог,/ Ему же усердно молися:// да спасет души наша, яко Милосерд.

8. Стих: Яко утвердися милость Его на нас,/ и истина Господня пребывает во век.

Паче скинии Моисеевы,/ по образу Небесному сотворенныя,/ всю Тя Бог освяти, Богородице, Духом Святым,/ весь вселися в Тя, всего человека оживи./ Тем и Твоя икона, паче Аарона кивота,/ наполнися благодати Божия/ и источает освящение душам и телесем./ Ейже любезно поклоняющися,/ просим от Тебе великия милости:// да спасеши души наша, Благословенная Помощнице.

«Слава, и ныне» – глас 8:

Приидите, возрадуемся державней Заступнице рода нашего,/ Царице Богородице,/ приидите к тихому Ея чудному,/ почитаемому Ангелы,/ честному поклонимся образу./ Дарует бо Богородица верным обильныя дары целebныя,/ от неисощимаго источника святых иконы неоскудную благодать источающи:/ тьмы избавляет нас искушений и бед, и всякаго греха,/ благочестно и Богоприятно прославляющих и чтущих/ светлую и чудную Богоматере святую икону./ Тем, воспевающе, воззовем Первообразней:/ радуйся, любезная миру помощи// во спасение душ наших.

Вход. Прокимен дне, И чтения 3:

Бытия чтение (глава 28): Изыде Иаков от студенца клятвеннаго и иде в Харрань./ И обрете место и спа тамо, зайде бо солнце./ И взят от камня места того и положи возглавие себе,/ и спа на месте оном, и сон виде:/ и се лествица утверждена на земли, еяже глава дозязаше до Небес, и Ангели Божии восходяху и низходяху по ней,/ Господь же утверждашеса на ней и рече:/ Аз **Бог** Авраамов, отца твоего, и Бог Исааков, не бойся;/ земля, идеже ты спиши на ней, тебе дам ю и семени твоему./ И будет семя твое, яко песок земный,/ и распространится на море и ливу, и север, и на востоки,/ и возблагословятся о тебе вся колена земная и о семени твоём./ И се Аз с тобою, сохраняяй тя на всяком пути, аможе аще пойдеши,/ и возвращу тя в землю сию, яко не имам тебе оставить,/ дондеже сотворити Ми вся, елика глаголах тебе./ И воста Иаков от сна своего и рече:/ яко есть Господь на месте сем, аз же не ведех./ И убояся, и рече:/ яко страшно место сие,/ несть сие, но дом Божий и сия врата Небесная.

Пророчества Иезекиилева чтение (главы 43–44): Тако глаголет Господь:/ будет от дне осмаго и прочее,/ сотворят иереи на олтари всесожжения вашего, и яже спасения вашего, и приму вы, глаголет Адонай Господь./ И обрати мя на путь врат святых внешних, зрящих на востоки, и сия бяху затворенна./ И рече Господь ко

мне:/ врата сия затворена будут и не отверзутся,/ и никтоже пройдет сквозь их,/ яко Господь Бог Израилев пройдет ими, и будут затворена./ яко Игумен сядет в них снести хлеб, по пути Еламских врат внидет и по пути его изыдет./ И введе мя по пути врат святых, сущих к северу, прямо храму, и видех,/ и се исполнь славы храм Господень.

Притчей чтение (глава 9): Премудрость созда себе дом и утверди столпов седмь./ Закла своя жертвенная и раствори в чаше своей вино, и уготова свою трапезу./ Посла своя рабы, созывающи с высоким проповеданием на чашу, глаголющи:/ иже есть безумен, да уклонится ко мне./ И требующим ума рече:/ приидите, ядите мой хлеб и пейте вино, еже растворих вам./ Оставьте безумие, и живи будете,/ и взыщите разума, да поживете, и исправите разум в ведении./ Наказуяй злыя, примет себе безчестие:/ обличаяй же нечестиваго, опорочит себе, обличения бо нечестивому, раны ему./ Не обличай злых, да не возненавидят тебе,/ обличай премудра, и возлюбит тя./ Дажь премудрому вино, и премудрый будет;/ сказуй праведному, и приложит приимати./ Начало премудрости – страх Господень, и совет святых – разум:/ разумеи бо закон, помысла есть благаго./ Сим бо образом многое поживеши время, и приложатся тебе лета живота.

НА ЛИТИИ СТИХИРЫ, ГЛАС 2, САМОГЛАСНЫ:

Яко воистину древняго кивота пречестнее,/ егда Давид, собрав чины, ликовствоваше,/ ныне Твоя, Богородице, икона,/ ейже предстоят архиереев собори,/ и с чинми Ангел священницы и все христоменитых людей множество/ достойно блажат Тя, Матерь Божию,/ и прославляют раболепно, и чествуют,/ и поклоняются, и молятся Тебе по Бóзе:/ да мир умириши в Православии, и Церковь утвердиши,/ и спасеши от всех зол Твоя рабы, // яко едина Благословенная.

Предстоят Ти, Госпоже Богородице,/ пред Твоим, Пречистая, образом/ архиереев сословие и священницы/ и вси людие, монаси и прости, / вѣдуще Тя воистинну Помощницу сильну и непобедиму,/ моления Тебе приносить от всея души подвизают/ и поущают на молитву к Богу, требующе Твоя помощи,/ да прострещи Богоносныя Твоя руки и умолиши за мир./ Вонми и услыши, Владычице,/ и подаждь утешение рабóm Твоим,/ дондеже не одолеют ны грехи наши тяжкия и лютыя:// Твоя бо всегда требуем вси помощи.

Глас 8:

Пёрвее написавшейся Твоей иконе/ Евáнгельских таин благовѣстником/ и к Тебе, Царице, принесѣнной,/ да усвѣиши ту и сильну соделаеши спасти чѣствующия Тя,/ порáдовалася еси, и яко сущи мѣлостива/ спасения нáшего Содѣтельница,/ я́ко уста и глас иконе бѣвши,/ я́коже и Бога внегда зачинаючи во чреве, песнь воспѣла еси:/ Се отныне ублажáт Мя вси рóди!/ И, на тóу зрящи, глагола еси со вла́стию:/ С сѣм образом благодать Моя и сѣла./ И мы ѣстинно вѣруем,/ я́ко се рекла еси, Госпоже,/ сѣм образом с нáми еси./ Тем благоговѣ́нно предсто́яще,/ поклоня́емся Тебе рабѣ́ Твои, // посети ны Твоими матерними щедрóтами.

Глас 7:

Горá еси великая и преслáвная/ пáче горы Синайския, Богорóдице;/ она́ бо не терпящи снития Славы Бó-жия/ во образех и сенех, огнем возгарáшеся,/ и грóми и молнии тамо бѣша./ Ты́ же весь Божественный Огнь сущ/ Бóжие Слово во чреве Твоем неопально носѣла еси/ и от сосѣц Твоих млеко́м питала еси манием Носящаго вся́./ И ны́не, матернее дерзновение к Нему имѣючи,/ помози́, Владычице, верно празднующим Твой честный прáздник/ и не забѣди, мѣлостивно посещáющи:/ прия́ла бо еси от Бóга дáр// строити и покрывати христоименитое ста́до, рабѣ́ Твоя́.

«Слава, и ныне» – глас 6:

Тебе вси роди челове́честии/ хвальныя дары приносят, Влады́чице,/ и молятся яко Царице и Матери Бóжиеи./ Пророцы Тя премудро проповѣдаша,/ левити благословиша, апостоли и мученицы исповѣдаша,/ священницы поклоняются, архиерее проповѣдают,/ монаси и прости благоговѣ́ют,/ богати и убозии, сироты и вдо́вы,/ и всяк возраст, и всяко преспѣяние,/ старческое и младе́нческое,/ под кров Твой державный с верою прибега́ем:/ покрый и соблюди, Госпоже, молитвами Твои́ми// и спаси от бѣд души нáша.

НА СТИХОВНЕ СТИХИРЫ, ГЛАС 2:

Вместілище чистое Света пречистаго, Бого-
ро́дице,/ како Тя, раби, достойно воспева́ем,/ я́ко
явлением пречистыя Твоея ико́ны/ и Превечнаго
Младенца вся освещáеши.

Стих: Помяну имя Твое/ во всяком роде и ро́де.

О Де́во Нескверная, Богора́дованная,/ что Ти когда
таково благодарéние принесём,/ я́ко блаженнаго
Твоего Рождества всесияющею лучéю// всех от
тления к жизни возвелá еси.

Стих: Слыши, Дщи, и виждь,/ и приклони у́хо Твое.

О Де́во Госпоже, Мати Зиждíteлева,/ Небесных
еси чинов ра́дование/ и челове́ческому роду благо-
словенная Помóщнице,// моли о спасении душ
на́ших.

«Слава, и ныне» – глас 5:

Воспоём, людие, светло Дави́дскую пёснь/ Отро-
ковице, Невесте Божии и Матери Царя́ Христа́:/
предста́ Царица одесную Тебе, Влады́ко,/ рясны
златыми оде́яна/ и преукрашена Божественными
благоле́потами./ Сию́ убо яко избранную и до́брую
в жена́х,/ па́че всего ми́ра удобри́в,/ благоволил
еси роди́тися из Нея́/ вели́кия ради ми́лости,/ и
Сию́ Помощницу людем Твоим дарова́л еси́/ спаса-
ти и покрывáти от бéd/ всемогúщею Твоею и Боже-
ственнойю си́лою,// Еяже молитвами, Христе Бо́же,
помілуй нас.

Тропарь, глас 4:

Заступнице усёрдная, / Мати Господа Вышняго, / за всех молиши Сына Твоего Христа Бога нашего / и всём твориши спастися, / в державный Твой покров прибегающим. / Всех нас заступи, о Госпоже Царице и Владычице, / иже в напастех и скорбех, и в болезнях, обремененных грехи многими, / предстоящих и молящихся Тебе умиленною душею / и сокрушенным сердцем, / пред пречистым Твоим образом со слезами, / и не возвратно надежду имущих на Тя / избавления всех зол. / Всем полезная даруй / и вся спаси, Богородице Дево: // Ты бо еси Божественный покров рабom Твоим.

НА УТРЕНИ

На Бог Господь: тропарь трижды.

По 1-м стихословии седален, глас 3: Людие благочестивии, правовернии собори христоименитии, / приступите верно вси, / Божественному припадающе Божия Матере образу: / Та я бо исцеление болящим радостно подаёт, / уязвляет же злославныя, яко стрелá от лука, / нас всех веселит световидно / и благодатию озаряет молитвами Своими.

Слава, и ныне: Всю Тя Бог освяти, Деву Добрую и Непорочную в женах, / пророки прообразив чéстно, иереи благословив, во святая святых всели, / Ангелом воспитá, с Небесé пищу хлеб подай. / Сам же Преблагий, Единородное Бог Слово, / вселися в Тя и плотию прóйде из Тебé. / Темже Ти поклоняемся и чтим, / яко воистинну истинную сущую Богородицу.

По 2-м стихословии седален, глас 4: Да ликовствуёт свётло верных все множество, / рыдает же демонское воинство, / видяще многоименныя сияющия праздники Божия Матере, / ублажаему Божию Матерь Божественными пёсньми, / идеже бо Богоприятно славится / Преблагословенная Богородица Владычица, Богоизбранная Отроковица, / неприязни падение, / христианом же крепкое утверждение.

Слава, и ныне: О Всеблагословенная Богородице Владычице, / Богоизбранная Отроковице, / свётлое пророческое сбытиё, / апостольская похвалó, и мученическое исповедание и вéнче, / Ангелы чтима и человеческими рóды многопéтая, / и всего мира вожделённая Помощница, / избави рабы Твоя осуждения будущаго и ёзера огненнаго, / едина Благословенная.

Величание:

Величаем Тя, Пресвятая Дево,/ и чтим образ Тво́й святы́й,/ от него же истекает благодатная помощь// всем, с верою притекающим к нему.

Помяни́, Го́споди, Дави́да и всю крото́сть его́./ **Яко** кля́тся Го́сподеви, обеща́хся Богу Иа́ковлю./ **Се** слы́шахом я во Евфра́фе, обрето́хом я в поля́х дубра́вы./ **Пресла́вная** глаго́лашася о Тебе, гра́де Бо́жий./ **Бог** посреде́ его́, и не подви́жится./ **Кля́тся** Госпо́дь Давиду́ и́стиною и не отве́ржется ея́./ **От** пло́да чре́ва Твоего́ посажду́ на престо́ле Твое́м./ **Яко** избра́ Госпо́дь Сио́на, изво́ли его́ в жили́ще Себе́./ **Освяти́л** ест селéние Своё Вы́шний./ **Святы́ня** и велеле́пота во святи́ле Его́./ **Свят** храм Твой, дивен в пра́вде./ **До́му** твоему́ подоба́ет святы́ня, Го́споди, в долготу́ дней./ **Помяну́** имя Твое во всяком ро́де и ро́де./ **Благословéн** Госпо́дь во век и в век ве́ка.

Слава Отцу и сыну и Святому Духу и ныне и присно и во веки веков. Аминь.

Аллилуия, аллилуия, аллилуия, слава Тебе, Боже.
Трижды.

По полиелеи седален, глас 1: Правове́рно чтущия Тя людие, к Тебе́ прибега́ющия/ и иконе Твое́й святе́й любезно поклоня́ющияся,/ о Божия Мати, спаси́ и не даждь в расхище́ние сопоста́том,/ ниже́ найдут на ны вся злая,/ яже грехи на́ша угото́ваша нам,/ ниже́ беззакония на́ша превзы́дут на главы́ на́ша,/ но да Твоя матерняя к Бо́гу преодолеет/ за ны Богоприя́тная молитва.

Сла́ва, и ны́не: Пречистая Твоя икона, Богородице Дево,/ врачевство́ всему миру духо́вное,/ к нейже прибега́юще, Тебе́ поклоняемся и почитаем, и лобызаем, и чтим,/ исцелений благодать почерпа́юще от нея,/ и недуг телéсных и душевных страсте́й Твоими моли́твами свобожда́емся.

Таже степенна, 1-й антифон 4-го гласа.

Прокимен: Помяну имя Твое́ во всяком роде и роде.

Стих: Слыши, Дщи, и виждь, и приклони ухо Твое́.

Всякое дыхание:

Евангелие от Луки, зачало 4.

По 50-м псалме стихира, глас 8:

Приидите, возрадуемся державней Заступнице рода нашего,/ Царице Богородице,/ приидите к тихому Ея чудному,/ почитаемому Ангелы,/ честному поклонимся образу./ Дарует бо Богородица верным обильныя дары целебныя,/ от неистощимаго источника святыя иконы неоскудную благодать источающи:/ тьмы избавляет нас искушений и бед, и всякаго греха,/ благочестно и Богоприятно прославляющих и чтущих/ светлую и чудную Богоматере святую икону./ Тем, воспевающе, воззовем Первообразней:// радуйся, любезная миру помощи/ во спасение душ наших.

Канон Одигитрии Пресвятыя Богородицы со ирмосом на 6, творение иеромонаха Игнатия, глас 4.

Песнь 1

Ирмос: Отверзу уста моя/ и напóлнятся Дúха,/ и слово отрыгну Царице Мáтери,/ и явлюся, светло торжествúя, // и воспою, рáдуйся, Той чудесá.

Радостно, Чистая, ны́не наста́вшее хвалéние приноша́ю, рáдуясь,/ и тихим гла́сом, Одигитрие, вопию́ Ти:/ радуйся и испóлни мя рáзума, пéти начина́юща.

Христа родившая, радость нам вечную,/ о радуйся, Всепетая, православных наде́ждо,/ Одигитрие, всепетая Деви́це:/ радости испóлни мя, мiрови желáнныя.

Лику́ют вси челове́цы и Ангелы,/ всегда согласно вопию́ще на Небесi и на землi, Одигитрие, радуйся, Деви́це,/ радости бо Рождеством Твоим вся́ческая испóлнила еси.

Радость, Одигитрие,/ со страхом Ти вопию́щих рáдости сподóби,/ Мати сúщия радости, избавля́ющи скорбéй всяческих,/ и всех помилуй, к тебе́ прибега́ющих.

Ин канон праздника на 8, глас тойже.

Песнь 1. Ирмос тойже.

Благоговéют Ти, Богородице, Ангелов нача́льницы, и святых чiни чéстно слúжат,/ праведнии красúются, Небесных Ходáтаицу блажáт Тя./ Кúпно же и земля и Небо в веселии свéтло восхваля́ют Тя,/ и мы, грéшнии, милости просим:/ озари́ нáша сердца́, Владычице, воспéти песнь святыя Твоея́ иконы явлению.

Приидiте, соберiтеся, христоименiтии людие, умы́ тайно очiстившеся, во святую [церковь](#) Матере Христа Бога нашего:/ источает бо нам неоскúдно от святыя иконы источник духóвен,/ целéбен душáм и тéлом, песнь вопию́щим:/ благословен из Тебé рождейся Бог наш.

Дивiт, Пренепорочная, и ужасáет всяк слух странно чудо Божественнаго Твоего Рождества:/ како Херувiмскаго Творца зачала́ еси;/ како Огнь нестерпiмый во ут-

рѡбе носила еси;/ како Сущую Жизнь плотию облекла еси и Живѡт всему миру родила еси,/ Бога купно и человека.

Под кров Твой, Дево Госпоже, прибегаем вси рѡди человечести:/ просвети ны светом Рождества Твоего, грешныя рабы Твоя,/ молящияся прилежно и кланяющияся пречистой Твоей иконе,/ просяще от Тебѣ прияти великия милости.

Катавасия: Отверзу уста моя:

Песнь 3

Ирмос: Твоя песнословцы, Богородице,/ живый и независтный источник,/ лик себе совокупльшия, духовно утверди,/ в Божественней Твоей славе// венцев славы сподоби.

Христа, Вышняго Царя, о радуйся, непоколебимая, чистая и одушевленная палато,/ радуйся, Одигитрие, радуйся:/ Тобою бо нерушим наш град сохраняется.

Вместити Егоже не возможно тварь,/ во утробу неискусобрачную, Одигитрие Девице, телесно вместила еси:/ темже Ти, радуйся, поем, по долгу величающе.

Радость многопетая мiрови,/ радостно Ти поюще присно, вечнующая, Чистая, радости сподобляемся/ Твоими матерними молитвами к Рождшемуся из Тебѣ, Одигитрие.

Златую Тя стамну, и свѣщник, и жезл, и трапѣзу, Чистая, призываем, Одигитрие,/ и глас, еже радуйся, Тебѣ присно привношаем/ с симиже имени.

Ин. Ирмос тойже

Кую Ти достойную похвалу наше принесет конечное неможение,/ яко явлением пречистыя Твоея Божественныя иконы независтныя источники целѣбныя источаеши/ верно прибегающим к Тебѣ рабом Твоим.

Божественныя Твоея иконы святое явление, Богородице Дево,/ яко светозарное возсия нам солнце, преславных чудес лучи пушаючи,/ тьмы лютых обстояний отгоняючи/ священными Твоими, Владычице, предстательствами.

Исполнила еси благодати иногда первописанную Твою икону, Госпоже Дево Богородице,/ и ныне та же благодать истинствует сиянием веры чудес, яко тоя ради первописанная,/ ко спасению верно к Тебѣ по Бѡзе прибегающим.

Поклоняемся, Богородице, Твоему пречистому образу и пресладкому Твоему Младенцу,/ превечному и незаходимому Свету, Христу,/ Имже спасла еси от лютых зол и тления смертнаго все человеческое естество.

Седален, глас 8.

Подобен: Премудрости:

Божественнии Слѡва апостоли,/ Евангелия Христова велегласнии вселенныя благовѣстницы,/ Божественную **церковь** создавше в пресвятое Твое имя, Богородице,/ и к Тебѣ, Госпоже, приходят, моляще Тя приити на тоя освящение./ Ты же, о Богомати, рекла еси:/ идите с миром и аз с вами тамо есмь./ Они же, шедше, обретают тамо на стене церкви Твоего, Владычице, образа подобие,/ Божественною писано силою шарѡвными подобии,/ и, видевше, поклонишася Ти и прославиша Бога./ С нимиже и мы Божественней Твоей поклоняемся иконе,/ просяще от Тебѣ великия милости:/ даруй согрешений оставление рабом Твоим, Едина Благословенная.

Слава, и ныне, тойже седален.

Песнь 4

Ирмос: Седяй в славе на Престоле Божества/ во облаце лёгце,/ прииде Иисус Пребожественный/ нетленною дланию и спасе зовущия:// слава, Христэ, силе Твоей.

Радуйся, чудо чудес, Одигитрие Владычице./ Радуйся, всех радости градóв и вёсей,/ непобедимое христианское в бедáх хранилище,/ и предградие, и на враги побеждéние.

Радуйся, радуйся людей православных похвалó и христоролюбивых пастырей, покров пребываеши всех, Царице./ Радуйся, Одигитрие, прибежище всем нам и утверждение.

Радуйся, всем скорое в бедáх избавлénие./ Радуйся, готовое всем скорбящим утешénие./ Радуйся, Всепетая, радуйся, Одигитрие Всеблагословенная,/ всем немощным Исцелительнице.

Радуйся, Еяже величия вся тварь/ славити úбо спешит по достоянию, но не возмóгает, Одигитрие,/ и сего ради зовёт Ти:/ радуйся, Владычице, Боговместимое жилище.

Ин. Ирмос тойже

Почтим, людие, Чистыя в чистоте икону Девы Богородицы/ и Тоя Божественного Младенца, Христа Бога нашего,/ и лобызаём и прославляём со страхом и трепетом:/ почитаем бо икону благочестно,/ пáче же почитаем Самую Тую сущую Чистую Богоматерь.

Давид, Божественный и чудный пророк, издалéча провидя, глагола:/ лицу Твоему помóлятся богати людие./ Мы же, вёрнии, поклоняемся и лобызаём честную икону,/ душами кúпно и телесы освящаемы.

Евангелия Христова Богогласный списатель Лука/ Божиим мановénием всенепорочный Твой написует образ, Богородице,/ и Младенца Превечного на руках Твоих вообразив,/ к немуже притекающия напастей и бед избавляеши,/ и вся покрывáеши, и спасаеши Твоею милостию.

Ты еси похвалó и венéц святым всем, о Царице!/ Ты упование наше и Помощница по Бозе,/ и на Тя надежду спасения нашего возложихом вси./ Тебé мóлимся, яко Божии Матери:/ одожди грешным рабóм Твоим богатыя Твоя душеспасительныя милости.

Песнь 5

Ирмос: Ужасошася всяческая/ о Божественней славе Твоей,/ Ты бо, Неискусобрачная Дéво,/ имела еси во утробе над всеми Бóга/ и родила еси Безлетного Сына,/ всём воспевающим Тя// мёр подавающая.

Благостыни бездно и щедрóтам еси, радуйся, Одигитрие Девице,/ радуйся, всем радость творящи верным./ О, радуйся, сущим в бедáх, скорбящим пребыстрая Заступнице.

Радости от исполнения величия чудес Твоих зряще исполняемъ вси,/ не зрящи, слышаще же, вёрнии./ Темже, радуйся, Тебé присно,/ всюду и вси, Одигитрие, поём.

Христа Бога нашего, о радуйся, Одигитрие, жилище/ и дом неизреченней и пребожественней, Дево, Славе Его./ О, радуйся, палáто преукрашенная,/ радуйся, граде одушевлённый, присноцáрствующий.

Радость неоскүдную Тя разсмотримяюще,/ яко море, Отроковице, Одигитрие Девице,/ радуешься вси, радуйся, вопиём Ти/ и, поюще, Божественных даров невидимо присно от Тебё ожидаем.

Ин. Ирмос тойже

Всяко, Пречистая, существо воспети недоумёт Тя,/ паче бо Горних умов превозвысилася еси,/ рождши неприступнаго и страшнаго Всецаря и Бога,/ но, яко Милостива и скорая человеком Помощница,/ вонми молению раб Твоих и даруй Твою помощь.

Идеже осенит благодать Твоя, Богородице, страхом исчезают демони/ и разрушается злокозненное тех мечтание, бегают души темнии,/ радуется же верных все множество, Тебё песнь хвальну от сердца вопиюще:/ радуйся, Божественный покрове душ наших.

Безочесным сладкое зрение даётся, глухим слышание,/ немым благоглаголанье, хромым хождение, прокаженным очищение,/ демонствуемым целомудрие и в болезнях сущим различных исцеление/ осенением Пречистыя Твоея, Богородице, иконы.

Не умолчим никогдаже, Богородице, псалмы и песнями воспевати величия Твоя, Обрадованная:/ Бога бо воистинну воплотившагося родила еси,/ во спасение наше всемирное и избавление.

Песнь 6

Ирмос: Божественное сие и всечестное/ совершающе празднество,/ Богомудрии, Богоматере,/ приидите, руками восплещим, // от Нея рождшагося Бога славим.

Христа, Чистая, приёмлющи,/ глас, еже радуйся, Одигитрие Девице, слышала еси,/ Егоже неизреченно рождши, и, радуйся, от всех слышиши всегда.

Радости вся исполнила еси,/ Вышняя и нижняя Ты совокупила еси, Одигитрие,/ темже радостно и согласно ныне Небо и вся земля зовёт Ти.

Вдовам, о радуйся, Всепетая, и всем сирым, Одигитрие, утешение,/ радуйся, всем источающи нищим богатство неистощимое.

Злата всякаго блистаема и утра солнечнаго светлейши,/ жилище Христово, радуйся, Одигитрие, радуйся, Девице,/ радуйся, Невесто Невестная.

Ин. Ирмос тойже

Божественнаго Твоего Рождства, Дево Госпоже, пребогатая благодать,/ юже древле изглашением предала еси пречистому Твоему образу,/ неоскүдне действовать великая же и преславная во спасение на Тя надеющимся.

Идеже прославляется святое имя Обрадованная Богородицы,/ тамо всяческих благих источницы проливаются;/ приидите в чистоте, человецы,/ се бо явление Божественныя Девы иконы сказует Царицы пришествие во спасение всех верных.

Целения болезней, отгнание же страстей и душепитательное спасение,/ грехов прощение и вечное избавление от пречистыя Твоея иконы, Владычице,/ верно приходяще, приёмлем, Богомати Всенепорочная.

К Тебё, Госпоже, прибегают роды правоверных, просят великия милости/ и приёмлют неоскүдно сущии в недүзах исцеление, в страстях пременение, в печалех утешение./ Источи и мне, Владычице, каплю душеспасительную,/ да со всеми и аз пою Твоё величие.

Конда́к, глас 8. Подобен: Взбранной:

Притеце́м, людие, к тихому сему и доброму пристанищу,/ скоро́й Помо́щнице, готовому и теплому спасению, покрову Де́вы,/ ускорим на моли́тву и потщимся на покая́ние:/ источа́ет бо нам неоскудныя милости Пречистая Богоро́дица,/ предваря́ет на по́мощь и избавляет от великих бе́д и зóл// благона́вныя и Богобо́ящияся рабы́ Своя.

Икос: Смысл очисти́вше и ум, притеце́м к Богородице,/ свѣтло пѣсньми ублажа́юще Ю,/ и пречи́стую икону Ея прославля́ем и чтим,/ и, припада́юще, поклоня́емся я́ко Само́й су́щей о́ной:/ честь бо иконы на Первообра́зное восходи́т,/ и почита́й и поклоня́йся ей почитает са́мое Первообра́зное,/ я́коже Божественнии отцы реко́ша. И аще кто не чтит Пресвятыя Богоро́дицы и не поклоняется иконе Ея, ана́фема да будет:/ посрамля́ет бо и погубля́ет не чту́щия Ю,/ избавляет же от великих бед и зол благона́вныя и Богобо́ящияся рабы Своя.

Песнь 7

Ирмос: Не послужиша твари Богому́дрии,/ па́че Созда́вшего,/ но, огненное прещение мужески попра́вше,/ радовахуся, пою́ще:// препетый отцев Госпо́дь и Бо́г, благословѣн еси.

Радуйся, радуйся. Богородице Одигитрие,/ всех и всегда наставля́ющи верных ше́ствовати ко вся́кому пу́ти спасительному,/ радуйся, Владычице, Тобою бо при́сно избавля́емся настоя́щия ва́рварския бе́ды.

Радуйся, радуйся, Одигитрие,/ бдя́щи и моля́щися о нас к Бо́гу,/ и всякия злобы ходата́йством Твоим всяческих скорбе́й,/ Богородительнице, всех людей избавля́ющи.

Радуйся, радуйся, Пресвятая Одигитрие,/ проше́ния на́ша к пользе нам исполня́ющи/ и хотя́щи всем при́сно всегда любодру́жное благое единство, спешное же во изы́щных.

Радуйся, радуйся, корабле́м, Одигитрие, ну́жно пла́вающим, избавля́ющи верных/ и всем избавле́ние от всякия ско́рби и недуги/ пестро́тныя и ме́дленныя разреша́ющи вскоре.

Ин. Ирмос тойже

Приидите, почерпе́м отпу́щение от неисто́щимаго источника,/ точа́щаго святы́ню Пречистыя Девы/ и То́я Пречистаго Младенца, Божия Слова, нас ради вочеловечша́гося./ К Нему возопи́им:/ Тво́рче Изба́вителю,/ препрославленный со Отцем и Духом, Боже, благословен еси.

Неусы́пную, Чистая, и Богоприятную иму́щи молитву,/ и непреодоле́емую держа́ву крѣпости,/ врагов наших дерзость, яже на ны, разори́/ и вы́я их под но́зе верному народу нашему низложи́,/ да возвесели́мся о Тебе́, раби́, Сыну Твоему́ вопи́юще:/ отец наших Боже, благословен еси.

Радуется и весели́мся, ве́рнии людие, чу́дному явлѣнию иконы Пречистыя Влады-

чицы Богородицы:/ река́ бо яви́ся неисчерпа́ема, целебную во́ду точа́щи,/ слепым́ бо ви́дети да́ет и глухим слы́шание,/ хромым хождение и всем сущим в недúзех безме́здное исцеле́ние.

Неиспы́тана глуби́на, недове́домо таинство, непостижи́м образ, Дево, зачатия Твоего,/ зачатия без се́мене, без мужа рождество./ Безплотный воплоти́ся, Превечный младе́нствует,/ Сын Божий, Сын Тебе́, Девы, бывает, Ему́же вопи́ем:/ Боже, благословен еси.

Песнь 8

Ирмос: Отроки благочестивыя в пещи/ Рождество Богородичо спасло есть,/ тогда убо образуемое,/ ныне же действуемое,/ вселенную всю воздвизает пети Тебе:/ Го́спода пойте дела́// и превозносите Его́ во вся веки.

Радуйся, Всеблагословенная Марие,/ из Тебе́ бо Всеблагословенный Бог оде́йся во все́го мя человека/ и, оде́ваясь, соедини́ Своему́ Божеству неизрече́нным соединением, Дево Одигитрие;/ радуйся, Обрадованная, радости все́го мира.

Радуйся, лукавых духо́в Прогонительнице;/ радуйся, Богородице Одигитрие;/ радуйся, Ю́же Небе́сная невидимая во́инства славосло́вят всегда и велича́ют я́ко Мать Бо́жию бывшую;/ радуйся, Я́же нижняя сочета́вши с Вышними.

Радуйся, всех Небесных сил без разсужде́ния превосходя́щая;/ радуйся, Одигитрие;/ радуйся, вся́кия тва́ри я́ко Бога Рождшая господа́ствующи, ей, Владычице Всепетая;/ радуйся, пребыва́еши Дева Чистая и по рождестве́.

Радуйся, жена́м всем сла́во, хра́ме преосвяще́нный Бога нашего;/ радуйся, Одигитрие;/ радуйся, душеспаса́тельная всей вселенней;/ радуйся, покрыва́ющий о́блаче, Небе́с ширшая;/ радуйся, мирополо́жнице, Божественного ми́ра полна́.

Ин. Ирмо́с тойже

Ум Ангельский и человеческий ужаса́ется, Богородице,/ како́ Бога Небе́снаго, ложесна́ми объе́мши, воплоти́ла еси,/ како́, Младенца ро́ждши, я́ко Сына на руку́ но́сиши/ Его́же ужаса́ется тварь и трепещут Горнии Престоли, вопи́юще непрестанно:/ Свят, Свят, Свят еси, Бо́же, препе́тый и превозноси́мый во веки.

Радуйся, су́щая ра́доте все́го мира,/ со Арха́нгелом Гавриилом вопи́ем Ти, Богородице;/ радуйся, вме́стилище Невме́сти́маго;/ радуйся, Благодатная, носи́ло Божества́ все́го;/ радуйся, Ада́мово воззва́ние, с Тобою Госпо́дь, и Тебе́ ради с нами, спаса́я нас,/ Его́же поем и превозно́сим во веки.

Корень Иессеев освяще́нный, корень греха́ нашего исто́ргнула еси;/ жезл Ааронов процве́тший, Жизнодателя́ цвета израсти́вши Христа;/ ста́мно манноприе́мная, смерти́ всю силу сокруши́ла еси/ и в поро́ду жизни возвела́ еси род человеческий:/ темже Тя поем, добрых виновную.

Ты похва́ла христиано́м еси, Владычице,/ Ты ору́жие на враги и стена́ к Тебе́ прибега́ющим./ Тя и ны́не на помощь призываем, Госпо́же,/ не даждь враго́м вознести́ся на люди́ Твоя,/ иже Тебе́ не хва́лят, ни Сына Твоего, Богородице, и Твое́й иконе не кла́няются:/ сих победи́ и ду́ши на́ша спаси́.

Песнь 9

Ирмос: Всяк земнородный/ да възиграется, Духом просвещаем,/ да торжествует же Безплотных умов естество,/ почитающее священное торжество Богоматере,/ и да вопиет:/ радуйся, Всеблаженная// Богородице, Чистая Приснодево.

Радуйся, свеще, Свет не вечерний понесшая,/ и в Рождестве Твоем многобожия тьму разрушившая,/ и адовы пропасти избавльшая люди;/ радуйся, Одигитрие Богородице, доброт всех Предходатаице.

Радуйся, земле, из неяже Клас прозябши Небесный верным,/ и мира всего душегубного глады избави, разумная и одушевленная;/ о радуйся, винограде, иже Грозд животный рождающая,/ Богородице Чистая, Одигитрие.

Радуйся, тайных цветов прекрасный сущий рай;/ радуйся, Мати Дево, Невидимых разум чистотою страннопобедно победивши, Богородительнице;/ радуйся, Отроковице;/ радуйся, Одигитрие, всемирное чудо и слышание.

Лето живота нашего прочее сохрани невреденно помощением Твоим, Дево Отроковице,/ и сподоби конец благий получитьи нам, воспевающим Тя и взывающим:/ радуйся, Всеблаженная Богородице, Чистая Одигитрие.

Ин. Ирмос тойже

Тебе, твердую Помощницу роду человеческому, Богородице Марие, лик пророческий многообразно провозвести,/ сень святыю, Небес пространнейшую,/ скрижалю Богописанную и купину неопалимую,/ дверь Богопроходную, гору же и лестницу, и мост, и жезл процветший:/ мы же воистину Богородицу Тя величаем.

Тайна глубины Рождества Твоего ум Ангельский ужасает, Дево,/ и пречистая икона демоны прогонит,/ и лица нечестивых омрачает, и в студ поревает:/ не терпят бо взирати на силу ея, бегают же и исчезают./ Мы же любезно поклоняемся и лобызаем, и Тя, Богородицу, величаем.

Предстательница сущи неотступна к Вышнему Царю,/ яко имущи матерне дерзновение непостыдно,/ в мире глубоче православных житие утверди и отечество наше возвыси,/ и вся полезная даруй всегда рабам Твоим,/ да Тя, Богородице, величаем.

О Всемилостивая христианом Помощнице,/ не может Тя воспети достойно ум человеческий и Ангельский,/ яко всея твари честнейши, Небесных и земных славнейши:/ всех бо родила еси Творца и Бога,/ но, о Владычице,/ прими милостивно юже Тебе от сердца возложихом песнь,/ спасай нас всегда, на Тя бо надеемся.

Светилен: Да почитается Всепетая Мати Божия,/ Жизнь Сущую рождаши, Христа Бога нашего,/ райских дверей отвержение и всего мира очищение, к животу возведение:/ Сей есть пророком главолавый,/ Тому поклонимся, Богу и Спасу душ наших.

Слава, и ныне, глас 6: Приидите, вернии, с чистотою возвеличим Пречистую Матере Бога нашего чудную икону/ и Божественного Младенца, Спаса Христа,/ Егоже яко рождающая на руку носивши/ и матерне дерзновение к Нему имущи,/ непрестанно молит за ны и подаёт рабом Своим богатыя милости.

НА ХВАЛИТЕХ СТИХИРЫ НА 4, ГЛАС 4:

1. Стих: Хвалите Его на силах Его,/ хвалите Его по множеству величества Его.

2. Стих: Хвалите Его во гласе трубнем,/ хвалите Его во псалтири и гуслех.

Прославим, вернии, Обрадованную Богородицу,/ па-че же во устех наших имама всегда/ свято́е и благо-словенное имя Ея,/ непрестанно прибегающе к пречистей Ея и цельбоносней ико́не:/ тою бо обретаем яже на земли вся благая и полéзная/ и сущих на воз-дусе от демонов запинаний избавля́емся,/ яко Мати, рождшая всéх Творца́, // спасает от бед души на́ша.

3. Стих: Хвалите Его в тимпане и лице,/ хвалите Его во струнах и органе.

Да рыдает вечно сонм злочестивых,/ не исповедающих Тя в рождестве Чистую Богородительницу/ и не поклоняющихся пречистей Твоей ико́не./ Вернии же людие, раду́ющесе,/ исповедаем Тя истинную Деву Богородицу,/ я́ко воистину родила еси плотию Христа Бога на́шего,/ тление Адамово попра́ла еси́/ и от греха весь мир очисти́ла еси́,/ жи́знь безконечную дарова́ла еси́,/ райский вход верным отве́рзла еси́/ Божественным Твои́м Рождество́м;/ Егóже моли спасти́ся нам, // поющим верно Твое та́инство.

4. Стих: Хвалите Его в кимвалех доброгласных, хвалите Его в кимвалех восклицания./ Всякое дыхание да хвалит Господа.

Радуется убо и веселится/ неизреченною радостью все множество благочестивых:/ припадающе же поклоня́ются,/ вси благоговеют Божии Матери с боя́знию,/ благодаряще Сию по Бозе яко Бо́га,/ толи́ких превеликих благ Хода́таицу,/ в ниже желают Ангели прини́кнуги,/ дарова Богородицею верным Христос Бо́г на́ш, // имея́й премножество щедрот и великую пребогатую ми́лость.

«Слава, и ныне» – глас 8:

Свята́я Твоя и сообразная икона, Богородице Де́во,/
благодáтию Твоею пребогаты́й сущи́й исто́чник,/
кипа́щий все́й подсо́лнечней/ и светя́щий всему ми́ру/
светолучными Святаго Духа сияньми и исцелений
свѣтлостьми./ Ты бо Бога Слова плотию несказанно
родила́ еси́,/от Арха́нгела Гавриила сицевая
слы́шавши:/ радуйся, Обрадованная, Господь с То-
бо́ю,/ и Дух Святы́й осенит Тя к зача́тию./ Та́кожде
рекла еси к первописанной Твоей иконе, на ту
зря́щи:/ с тою Моя благодать, и слово Твое со вла-
стию ико́не бы́сть./ И образ, и глас, и сила, и дело, и
вся́к у́м/ превосходя́щая Божественная благодать,
спребываю́щи вѣчно,/ знамения и чудеса непрестан-
но содева́ет/ и душеполезное исцеление всем верно
приходя́щим подаёт// Твоими Богоматерними непре-
станными к Богу моли́твами.

Славословие великое, и отпуст.

На Литургии служба Богородицы.

Тропарь, глас 4:

Заступнице усёрдная,/ Мати Господа Вышняго,/ за всех молиши Сына Твоего Христа Бога нашего/ и всём твориши спастися,/ в державный Твой покров прибегающим./ Всех нас заступи, о Госпоже Царице и Владычице,/ иже в напастех и скорбех, и в болезнях, обремененных грехи многими,/ предстоящих и молящихся Тебе умиленною душею/ и сокрушенным сердцем,/ пред пречистым Твоим образом со слезами,/ и не возвратно надежду имущих на Тя/ избавления всех зол./ Всем полезная даруй/ и вся спаси, Богородице Дево:// Ты бо еси Божественный покров рабóm Твоим.

Кондак, глас 8.

Подобен: Взбранной:

Притецём, людие, к тихому сему и доброму пристанищу,/ скорой Помощнице, готовому и теплomu спасению, покрову Девы,/ ускорим на молитву и потщимся на покаяние:/ источает бо нам неоскудная милости Пречистая Богородица,/ предваряет на помощь и избавляет от великих бед и зол// благонравныя и Богобоящияся рабы Своя.

Величаем Тя, Пресвятая Дево,/ и чтим образ Тво́й святы́й,/ от него же истекает благодатная помощь// всем, с верою притекающим к нему.

Аще прилучится в неделю – [зри устав 23 июня.](#)